



Број: 05/7-50-13-102-10/15

Sarajevo 21.1.2015. godine

IZVJEŠTAJ O RADU
VIJEĆA NACIONALNIH MANJINA BiH
ZA 2014. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 15/08, 53/09, 59/09 i 60/13) imenovala članove Vijeća nacionalnih manjina BiH.

Uvodne napomene

Na osnovu člana 4. stav (1) Odluke o osnivanju Vijeća nacionalnih manjina Bosne i Hercegovine, utvrđeno je da Vijeće nacionalnih manjina BiH (u daljem tekstu: Vijeće) daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava i drugih komisija i radnih tijela Parlamentarne skupštine BiH kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac)
2. DRAGAN MARKOVIĆ (Crnogorac) od 1. 2. 2014.

3. JOVANKA MANZALOVIĆ ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAC (Nijemac),
10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom).

1. Sjednice Vijeća nacionalnih manjina BiH

U izvještajnom periodu u toku 2014. godine Vijeće je održalo pet redovnih sjednica:

Peta sjednica održana je 27.2.2014.

Šesta sjednica održana je 15.4.2014.

Sedma sjednica održana je 8.7.2014.

Osma sjednica održana je 5.9.2014.

Deveta sjednica održana je 27.10.2014.

Na sjednicama se raspravljalo o aktuelnoj problematici rada Vijeća, prvenstveno o izvještajima o radu Vijeća za 2013. godinu, izboru zamjenika predsjedavajućeg Vijeća, analizi podjele sredstava u projektima oblasti kulture za 2013. godinu, praćenje realizacije dostavljenog Prijedloga izmjene i dopune Odluke o osnivanju Vijeća nacionalnih manjina i Prijedloga izmjene Odluke o imenovanju članova Vijeća nacionalnih manjina, obilježavanje 8. aprila, Svjetskog dana Roma, razmatranje žalbi pripadnika nacionalnih manjina, informiranje o pristiglim odgovorima na zahtjeve koje je upućivalo Vijeće, priprema i realizacija saopćenja za javnost, informacije o statusu Strateške platforme za rješavanje

pitanja nacionalnih manjina u BiH, realizacija izrade dokumenta Izvještaj o ocjeni položaja nacionalnih manjina u BiH i finansijski aspekti rada Vijeća.

Sve sjednice održane su u planirano vrijeme, uz značajno prisustvo članova Vijeća (u prosjeku 77,67% članova) i uz značajnu pomoć stručnih saradnica u Zajedničkoj komisiji za ljudska prava Sekretarijat PSBiH. Pozivi i zapisnici sjednica redovno su objavljeni na veb-stranici Parlamentarne skupštine BiH.

2. Aktivnosti Vijeća nacionalnih manjina BiH

2.1. Priprema i izrada dokumenata

U izvještajnom periodu pripremljeni su i izrađeni sljedeći dokumenti:

- Plan rada Vijeća za 2013. i 2014. godinu;
- Na osnovu iskustava u dosadašnjem radu Vijeća i procjene aktivnosti koje bi Vijeće trebalo realizirati u narednom periodu, predsjedavajući je predložio plan rada Vijeća za 2013. i 2014. godinu, koji su članovi Vijeća usvojili na 2. sjednici, održanoj 21.10.2013.;
- Izvještaj o radu Vijeća nacionalnih manjina.

Izvještaj o radu Vijeća nacionalnih manjina za 2013. usvojen je na 5. sjednici Vijeća, a nakon toga u Predstavničkom domu 14.5.2014. i Domu naroda 6.6.2014. Parlamentarne skupštine BiH.

2.2. Priprema i izrada inicijativa

U izvještajnom periodu pripremljene su i upućene u daljnju proceduru sljedeće inicijative:

- Prijedlog izmjene i dopune Odluke o osnivanju Vijeća nacionalnih manjina Bosne i Hercegovine ("Službeni glasnik BiH", br. 38/06, 93/08 i 53/09). Prijedlog su 25.7.2014. prihvatili Predstavnički dom i Dom naroda;
- Članovi Vijeća radili su na pripremi izvještaja o trenutnom stanju i položaju nacionalne manjine koju svaki član Vijeća predstavlja. Predsjedavajući Vijeća pripremio je metodologiju rada, koju su članovi prihvatili i prema njoj radili izvještaj za nacionalne manjine koje predstavljaju. Rok za predaju pojedinačnih izvještaja bio je do održavanja 10. sjednice Vijeća, planirane za januar 2015. godine. Do kraja 2014. godine izvještaj su predali predstavnici: Slovaci, Italijani, Turci, Česi, Poljaci, Crnogorci, Rumuni, Rusi, Nijemci i Romi;
- Vijeće je na 7. sjednici, održanoj 8.7.2014., usvojilo zaključak kojim se od Federalnog ministarstva pravde traži da dostavi informaciju o statusu Vijeća nacionalnih manjina Federacije BiH. Odgovor Ministarstva nije primljen u 2014. godini;

3. Sastanci

- 15.4.2014. održan je sastanak s gđom Veronikom Kristkovom, sudskom savjetnicom u Uredu visokog komesara za nacionalne manjine;
- 18.9.2014. održan je sastanak Izvršnog odbora za izradu Strateške platforme za rješavanje pitanja nacionalnih manjina u BiH u Banjoj Luci na kojem je analizirana verzija strategije koja će biti upućena na javnu raspravu;
- 29. i 30.9.2014. održan je 27. sastanak Međunarodnog komiteta Dekade Roma u Sarajevu kojem su prisustvovali članovi Vijeća;
- 7.11.2014. u Sarajevu i 17.11.2014. u Tuzli članovi Vijeća učestvovali su u javnim raspravama o Strateškoj platformi.

4. Rad s medijima

U izvještajnom periodu predsjedavajući i članovi Vijeća imali su nekoliko individualnih izjava za medije:

O aktivnostima Vijeća bilo je nekoliko medijskih izvještaja uglavnom putem parlamentarnog veb-portala, kao što je izvještaj o sjednici Vijeća na kojoj je vođena rasprava o raspodjeli sredstava Ministarstva civilnih poslova BiH za oblast kulture, gdje

je od ukupno 2,7 miliona KM za nacionalne manjine dodijeljeno samo 3.000 KM (www.vijesti.ba od 27.2.2014.);

Vijeće je od Radio-televizije Federacije BiH tražilo da se ispoštuje dogovor postignut prije početka snimanja emisija o nacionalnim manjinama u BiH, koje je FTV emitirala tokom 2014. godine. Dogovor je bio da FTV dostavi jednu kopiju snimljenih emisija o nacionalnim manjinama u BiH. Zvaničan odgovor od FTV-a, na zahtjev Vijeća da se ispoštuje navedeni dogovor, nije dostavljen.

5. Ostale aktivnosti Vijeća nacionalnih manjina BiH

- Članovi Vijeća učestvovali su na manifestaciji Večer crnogorskog filma u Sarajevu, 18.2.2014.;
- Upućen je zahtjev Centralnoj izbornoj komisiji BiH u vezi s brojem i strukturom izabranih pripadnika nacionalnih manjina na lokalnim izborima 2012. godine. Centralna izborna komisija BiH dostavila je odgovor 20.2.2014.;
- Na jednom od sastanaka Vijeća analizirana je odluka Komiteta ministara Vijeća Evrope u vezi s provođenjem presude u predmetu Sejdić i Finci protiv BiH, Sarajevo 11.3.2014.;
- Obilježen 8. april, Svjetski dan Roma, kada je član Vijeća Nedžad Jusić upoznao Vijeće o trenutnom stanju i položaju pripadnika romske nacionalne manjine u BiH, kao i o provedenim programima u okviru dekade Roma;
- Vijeću je 2013. godine upućena žalba pripadnika crnogorske nacionalne manjine iz Breze u kojoj se navode različiti vidovi diskriminacije koji se provode nad porodicom Djaković iz Breze. Vijeće je žalbu prosljedilo na razmatranje Zajedničkoj komisiji za ljudska prava, koja je uputila Urgenciju Ministarstvu unutrašnjih poslova Kantona Zenica. MUP Zenica dostavio je odgovor 20.5.2014.;
- Vijeću je 2014. godine upućena žalba pripadnika slovenske i italijanske nacionalne manjine iz Banje Luke u kojoj se navodi diskriminacija po osnovu imovinskih prava. Vijeće je žalbu prosljedilo na razmatranje Zajedničkoj komisiji za ljudska prava. Zajednička komisija je 29.5.2014. dostavila odgovor da nema nadležnost za razmatranje navedene predstavke, te sugerira stranci da se u vezi sa žalbom upućenom Zajedničkoj komisiji obrati nadležnom Sudu;

- Upućen je zahtjev školama u Bosni i Hercegovini da izvijeste Vijeće o primjeni OSCE-ovih priručnika: Priručnika za učenike o kulturi, baštini i tradiciji nacionalnih manjina u BiH i Metodičkog priručnika za nastavnike. Pristigli odgovori ukazuju da se priručnici koriste s različitim stepenom efikasnosti, od odgovora da se vrlo rijetko koristi, do odgovora da se sistemski koristi materijal;
- Članovi Vijeća učestvovali su u radu okruglog stola „Civilni monitoring regionalnog stambenog programa s posebnim osvrtom na stambeno zbrinjavanje Roma“, održanog u Sarajevu 8.7.2014.;
- Vijeće je na 9. sjednici, održanoj 27.10.2014., analiziralo i prihvatilo inicijativu Udruženja žena Romkinja Bolja budućnost Tuzla da se definiraju procedure za izbor članova u vijeća nacionalnih manjina na svim nivoima vlasti gdje ona djeluju;
- Članovi Vijeća učestvovali su na prezentaciji dokumenta „Vodič za izradu lokalnih akcionih planova za rješavanje problematike romske populacije“, održanoj u Tuzli 31.10.2014.;
- Predsjedavajući Vijeća je, u svojstvu člana Izvršnog odbora projekta Vijeća Evrope pod nazivom „Zaštita ljudskih i manjinskih prava jugoistočne Evrope“ izvještavao o stanju projekta, objavi poziva za apliciranje za projekte, izboru općina u BiH koje su podržane ovim projektom i učestvovao na prvoj regionalnoj konferenciji „Zaštita manjinskih prava u jugoistočnoj Evropi“, održanoj u Skoplju 26. i 27.11.2014.;
- Obilježen je Dan ljudskih prava učešćem članova Vijeća na prezentaciji „Izvještaja o realizaciji preporuka ombudsmena BIH vezano za ostvarivanje prava Roma u BiH“, Sarajevo 10.12.2014.;
- Članovi Vijeća organizirali su pružanje pomoći jednom članu Vijeća koji je pretrpio materijalnu štetu u majskim poplavama u Doboju.

Predsjedavajući Vijeća nacionalnih manjina BiH

prof. dr. Tihomir Knežiček